

UGOVOR O OSIGURANJU MOTORNIH VOZILA

zaključen između:

UGOVARAČA OSIGURANJA - OSIGURANIKA:
DIREKCIJA ZA ROBNE REZERVE KANTONA SARAJEVO, ul. Alipašina bb, 71000 Sarajevo koje zastupa
direktor Emir Jesenković,

I

OSIGURAVAČA:
TRIGLAV OSIGURANJE D.D. Sarajevo Ul. Dolina br. 8, koje zastupa direktor prodajnog Centra Sarajevo
Žan Matić.

OSNOVA ZA SKLAPANJE UGOVORA

Član 1.

Ugovorne strane su utvrdile, da je na osnovu Osiguranikovog zahtjeva br. 02-25-578—4/20 od 04.09.2020. godine za dostavljanje ponuda za osiguranje motornog vozila, izabrana kao najpovoljnija ponuda Osiguravača Triglav Osiguranje d.d. Sarajevo broj: 1008793 od 07.09.2020. godine, u skladu sa Odlukom Osiguranika od dana: 10.09.2020. godine.

PREDMET UGOVORA

Član 2.

Predmet ovog Ugovora su:

1. Obavezno osiguranje motornog vozila od odgovornosti za štete pričinjene trećim licima;
2. Potpuno kasko osiguranje motornog vozila bez franšize.

Motorno vozilo koje je predmet osiguranja prema ponudi osiguravača broj: 1008793 od 07.09.2020.godine.

Član 3.

Za zaključena osiguranja po ovom Ugovoru vrijede:

1. Uslovi za kasko osiguranje motornih vozila sa oznakom PG - aka 19-03-bh,
2. Uslovi za obavezno osiguranje motornih vozila od automobilske odgovornosti;

PREMIJA OSIGURANJA

Član 4.

Za zaključena osiguranja po ovom Ugovoru, Osiguranik se obavezuje platiti Osiguravaču premiju osiguranja koja je obračunata u skladu sa važećim premijskim cjenicima, kao što je određeno u ponudi osiguravača broj: 1008793 od 07.09.2020. godine.

Član 5.

Premija osiguranja iz prethodnog člana utvrđena je u KM (konvertibilnim markama).

U skladu sa ponudom Osiguravača Osiguranik će premiju osiguranja plaćati na slijedeći način:

1. Premija obaveznog osiguranja od automobilske odgovornosti plaćati će se prema ispostavljenim fakturama. Premiju osiguranja po svakoj izdatoj fakturi Ugovarač će platiti u skladu sa Zakonom o osiguranju od odgovornosti za motorna vozila i ostalim odredbama o obaveznom osiguranju od odgovornosti.
2. Premija kasko osiguranja motornih vozila plaćati će se prema fakturi ispostavljenim od strane Osiguravača. Premiju osiguranja po svakoj izdatoj fakturi Ugovarač će platiti u roku od 30 (trideset) dana od dana ispostavljanja.

VRIJEME TRAJANJA UGOVORA

Član 6.

Ugovor se primjenjuje od dana 10.09.2020. godine i važi do dana obostranog ispunjenja obaveza definisanim ovim Ugovorom a najduže 1 (jedna) godine.

ZAVRŠNE ODREDBE

Član 7.

Police osiguranja automobilske odgovornosti izdavati će se, sukcesivno, za svako motorno vozilo u skladu sa danom isteka važećih polica osiguranja a na temelju dostavljenog skadencara (istecima osiguravajućeg pokrića). Police osiguranja automobilske odgovornosti i police kasko osiguranja motornih vozila izdavati će se u Triglav Osiguranju d.d. Sarajevo u ul. Dolina br. 8.

Ugovorne strane su saglasne da će sve ostale oblike osiguranja, Osiguravač i Ugovarač osiguranja - Osiguranik, zaključivati u slučajevima kada je za to zainteresovan Ugovarač osiguranja - Osiguranik.

Član 8.

Sve eventualne nejasnoće nastale po ovom Ugovoru ugovorne strane će rješavati sporazumno. Ukoliko to nije moguće, za sve eventualne sporove nastale po ovom Ugovoru nadležan je sud u Sarajevu.

Član 9.

Ovaj Ugovor je sačinjen u 4 (četiri) istovjetna primjerka, za svaku ugovornu stranu po 2 (dva).

**TRIGLAV OSIGURANJE D.D.
SARAJEVO**

direktor prodajnog centra Sarajevo

Zan Matic

Sarajevo, dana: 10.09.2020. godine
Broj: 08-10314/20



**DIREKCIJA ZA ROBNE REZERVE
KANTONA SARAJEVO**

29 direktor 9

Enfir Jesenković

Sarajevo, dana: 10.09.2020. godine.

Broj: 02-95-548-20/20

